

Слышав же то Филип поп и Максимиана девица о храбрости и о силе Девенгиеве^х и нача помышляти, како бы его изловити, аки зайца в тинето^н. Филип храбр и силен зело, и много войска имеет, такожде и Максимиана девица мужескую храбрость имеет, войска такожде^н. И поидоша на преславнаго Девенгиа^г и приидоша и стаха не дошет града греческаго на реце Ефрате. И послаша Максимиана грамоты с лестию к преславному Девенгию^н: О, свете светозарное солнце, преславный Девенги!^н ты царствуеши во всех нас храбрых и сильних, яко май месяц во всех месецах. В майе месяце всякая небесная и земная^о процветает, и дресеса лесвие^н распушает^н и всякая небесная красота содевается, такоже [л. 182] и ты в нас преславный Девенги^а. А мы, преславный Девенги^н, молим тя: не поленися, потрудися приди к нам не в болшей силе на Ефрат реку, да видим юность твою и храбрость, а нико^б же несть помышления никакова. Прочет же те грамоты преславный Девенгий^а и просмеялся и рече отцу своему: Отче, кощю ехати, видети преславна и храбра Филип^в Максимиану деведу. Рече же отец его: Чадо мое милое, преславный Девенги^г, рано тебе на рот^г помышляти, в ратех побеждетельных не бывал еси, понеже Филиппоп^в на ратех и силен и храбр, такожде и Максимиана дивица, и войска многа имеет. Девенги^н же описал^х грамоты, посла к ним милостивника своего и рече: Срам ми есть велик в том, что против жены ехати битися, а ты Филип^о стар стры, почто во мнозе силе пришел еси и повиных множесво^н привел еси ко мне? Рече же Максимиана девица: Никаже^з, светозарное солнце, преславный Девенги^г, не имей помысла во уме своем никакова, никакоже зане приехали юности твоея видети. Девенги^н день ото дне помышляше, како бы ему видети храбрость [л. 182 об.] Филип^а, взя милостивников своих немного с бою и проша молитву у отца своего и у матери: В борзе благослови мя, отче и с материю моею. А в том помышления не имете никакова, занеже от руки человеческия на теле моем не будет раны, занеже надеюся на силу божию и на твою отеческую милость и на матерную. И вседше на конь и поехаша в путь свой. На Ефрат реку прииде и стаха на брезе и посла милостивников своих Филиппопе^б и Максимиане девице. Видев же Филип поп^а учреждению вою Девенгиеву^г немного и нача за ним гоняща со всем войском своим. Видев же то Девенгиа^г изгнание^г прелстителей и ухватив копие и подопре в реку копишем^а прескоша^з пеш яко чюжи сокол от руки ловца, возопи гласом велегласным: Дайте конь, рекомы Фарь! Всет на конь свои и нача гоняти, яко добры косец траву косити: в первом покосе тысящу, в другом — другую тысящу победил, в третьем покосе нагна Филип поп^а и удари его мечем мещу^н плечи розгвидею^в и долу его с коня сверже^г вяжуша^м Филип поп^а и заправи копием^н своим^о и хотя исколоты преславнаго Девенгиа^н. [л. 183]. Видев же то

³ош. вместо Филипаг. ⁴ош. вместо тенега. ¹пропуск: сильно и храбро добре, яко Македоняне. ¹ош. вместо Девгеня. ²ош. вместо Девгенню. ³ош. вместо Девгений. ⁴пропущено красота. ⁵ош. вместо диввие. ⁶ош. вместо распуцают.

[л. 182] ⁷ош. вместо Девгений. ⁸ош. вместо никака. ⁹ош. вместо Филипата; пропущено и. ¹⁰ош. вместо рать. ¹¹ош. вместо отписал. ¹²ош. вместо Филипат. ¹³ош. вместо множество. ¹⁴ош. вместо никакоже.

[л. 182 об.] ¹⁵ош. вместо Филипата.

¹⁶ош. вместо Филипату. ¹⁷ош. вместо Филипаг. ¹⁸ош. вместо Девгениеву. ¹⁹ош. вместо Девгений. ²⁰ош. вместо гонение. ²¹ош. вместо копием. ²²ош. вместо прескоши. ²³ош. вместо между. ²⁴ош. вместо рогвицею. ²⁵пропущено И видев же то Максимиана девица, что Девгений. ²⁶ош. вместо вяжуше; пропущено отца ея. ²⁷ош. вместо копие. ²⁸ош. вместо свое. ²⁹ош. вместо Девгеня.